


四庫類書叢刊

古今事文類聚  
二



四庫類書叢刊

古今事文類聚

（卷一）

（楊文舉撰）

（二）

上海古籍出版社

欽定四庫全書

子部

古今事文類聚後集卷二

詳校官中書臣康綸鈞

侍讀臣孫球覆勘

總校官

臣王然緒

校對官中書

臣趙秉淵

謄錄監生

臣張仲芳

欽定四庫全書

古今事文類聚後集卷二

宋祝穆撰

人倫部

宗族

同姓通譜 不當通譜 妄認譜系 以上並附

羣書要語以親九族

注上至高祖下至玄孫

夏侯歐陽

等以為九族者父族四母族二

妻族二 亮典

角弓刺幽

王也不親九族骨肉相怨

惟當

王族刺平王也周室

欽定四庫全書

古今事文類聚後集卷二

道衰棄其九族

同上

豈無他人不如我同姓

杜

古今事文

散金宗族

疏廣棄官歸家日令家具酒食請族人故舊賓客相與娛樂居歲餘廣子孫竊謂廣所愛信老人曰子孫欲及君在時頗立產業今日飲食費且盡願丈人勸說買田宅老人以間為廣言此計廣曰吾豈老耄不念子孫哉使賢而多財則損其志愚而多財則益其過且此金聖

主惠養老臣也宗族共享其賜盡吾餘日不亦可乎

三世共財

樊重世善農稼好殖貨三世共財上下戮力財利歲倍

貨至鉅萬外孫何氏兄弟爭財重耻之以田二頃解其

忿訟後漢樊重傳

北富南貧

阮咸與籍居道南諸阮居道北然北阮富而南阮貧

見詳

門七夕

欽定四庫全書

古今事文類聚後集

二

百口同爨

魏楊道一家之內男女百口總服同爨庭無間言

北史

妻勸異居

劉君良四世同居隋末荒饑妻勸異居因易置庭樹鳥

巢令聞且鳴妻曰天下亂禽鳥不相容況人耶君良即

與兄弟異居月餘知其謀斥去妻召兄弟流涕以告復

同居

同居書怨

唐張公藝九世同居高宗有事泰山臨幸其居問本末

公藝書百忍字以對孝友傳

三世同爨

博陵崔德總麻親三世同爨貞元以來言家法者以德

為首生六子一登輔相五任大僚太常卿郗太府卿郗

外臺尚書郎郗廷尉卿郗執金吾郗左僕射平章事郗

而郗及郗五知貢舉得七百四十人郗昆仲自貴達亦

同居光德里一宅

欽定四庫全書

古今事文類聚後集

三

擊鼓會飯

裴寬兄弟八人於東都置八院相對甥姪亦有名常擊

鼓會飯

犬亦共牢

江州陳氏宗族七百口每食設廣席長幼以次坐而食

之有畜犬百餘亦共一牢食一犬不至諸犬為之不食

小學

計口給餉

李昉家子孫數世至二百餘口猶同居共費田園邸舍所叔及有官者俸祿皆聚之一庫計口日給餉

### 綰遺親族

范文正公自政府歸姑蘇焚黃搜外庫中有綰三千疋令掌吏錄親戚及閭里知舊自大及小散之皆盡曰宗族親戚見我生長幼學壯行為我助喜我何以助之哉

### 自叙宗家

以下係同姓通譜

欽定四庫全書

古今事文類聚卷一

四

謝康樂稱太傅為宗家

### 與平通譜

唐趙彥昭遷中書侍郎同平章事以權倖進中宗時有平趙挾鬼道出入禁掖彥昭以姑事之其得宰相平力也

### 尊為父兄

李義府已貴乃言系出趙郡與諸李叙昭穆嚮進者往往尊為父兄給事中李崇引與同譜既謫普州並削去

### 呼為叔父

羅威賦詠甚有情致錢唐人羅隱有詩名威遣使賂遺自叙宗姓呼為叔父

六帖

### 同譜復合

會稽黃渥與庭堅皆出於婺州之黃田七世以上失其譜以年相望與渥相近復以兄弟合宗

山谷作黃有字序

### 不許通譜

以下係不通譜

杜正倫求與城南諸杜同譜不許銜之諸杜所居號杜

欽定四庫全書

古今事文類聚卷一

五

固其地有旺氣故世衣冠正倫既執政建言鑿柱固通水以利人川流如血閱十日止自是南杜不振

### 不妄認祖

狄青為樞密使有狄梁公之後持梁公畫像及告身十餘軸諸青獻之以謂青之遠祖青謝之曰一時遭際安敢自附梁公厚贈而還之比之郭崇韜哭子儀之墓所得多矣

筆談

### 遙遙華胄

以下係妄認譜系

梁何昌寓為吏部尚書有姓閔求官者昌寓問君是誰  
後答曰子爲後昌寓掩口笑曰遂遂華胄

### 認郭汾陽

五代唐郭崇韜為樞密使用事自宰相豆盧革等皆附  
之以其姓郭因問崇韜曰汾陽王本太原人使華陰公  
家世屬門豈其枝派耶崇韜曰因遭亂亡失譜牒嘗聞  
先人言上距汾陽四世耳革曰然則固從祖也

### 通譜方相

唐有士人姓方好於門第但姓方貴人必認為親戚或  
戲之曰豐邑方相何親遽曰再從伯氏戲者笑曰既是  
方相姓只堪嚇鬼蓋豐邑坊乃造凶器出賣之地

### 妄認遠祖

有一故相遠派在姑蘇因嬉遊書其壁曰大丞相再從  
姪某嘗遊至此有士人李璋素好詆諆題其傍曰混元  
皇帝三千七代孫李璋繼至

古今文集

## 雜著

### 族譜引

蘇明允

蘇氏族譜譜蘇氏之族也蘇氏出於高陽而蔓延於天  
下唐神堯初長史味道刺眉州卒于官一子留於眉眉  
之有蘇氏自此始而譜不及者親盡也親盡則曷為不  
及譜為親作也凡子得書而孫不得書者何也以著代  
也自吾之父以至吾之高祖仕不仕娶某氏享年幾某  
日卒皆書而他不可書者何也詳吾之所自出也自吾之

欽定四庫全書

古今事文類聚

七

父以至吾之高祖皆曰諱某而他則遂名之何也尊吾  
之所自出也譜為蘇氏作而獨吾之所自出得詳與尊  
何也譜吾作也嗚呼觀吾之譜者若弟之心可以油然而  
生矣情見於親親見於服始於縷而至於總麻而至  
於無服無服則親盡親盡則情盡情盡則喜不慶慶不  
弔喜不慶慶不弔則塗人也吾所與相視如塗人者其  
初兄弟也兄弟其初一人之身也悲夫一人之身分而  
至於塗人吾譜之所以作也其意曰分於塗人者勢也

勢吾無如之何也幸其未至於塗人也使其無至於怨  
忘可也嗚呼觀吾之譜者孝弟之心可以油然而生矣系  
之以詩曰

吾父之子 今為吾兄 吾疾在身 兄呻不寧  
數世之後 不知何人 後死而生 不為戚欣  
兄弟之情 如足於手 其能幾何 彼不相能  
彼獨何心

蘇氏族譜序記

蘇明允

欽定四庫全書

古今事文類聚卷之九

八

匹夫而化鄉人者吾聞其語矣國有君邑有大夫而爭訟者訴於其門鄉有庠里有學而學道者赴於其家鄉人有為不善於室者父兄輒相與恐曰吾夫子無乃聞之嗚呼彼獨何修而得此哉意者其積之有本末而施之有次第耶今吾族人猶有服者不過百人而歲時婚社不能相與盡其惟欣愛洽稍遠者至不相往來是無以告吾鄉黨隣里也乃作蘇氏族譜之序於高祖墓塋之西南而刻石焉既而告之曰凡在此者死必赴冠娶

欽定四庫全書

古今事文類聚卷之九

九

必告少而孤則老者字之貧而無歸則富者收之而不然者族人之所共誚責也歲正月相與拜奠於墓下既奠列坐於序其老者顧少者而嘆曰是不及見鄉隣風俗之美矣自吾少時見有為不義者則眾相與疾之如見怪物焉懷焉而不寧其後少衰也猶相與笑之今也則相與安之耳是起於某人也夫某人者是鄉之望人也而大亂吾俗焉是故其誘人也速其為害也深自斯人之遯其兄之遺子而不卹也而骨肉之恩薄自斯人之多取其先人之貲田而欺其諸孫子也而孝弟之行缺自斯人之為其諸子所訟也而禮義之節廢自斯人之以妾加其妻也而嫡庶之別混自斯人之篤於聲色而父子離處謹諱不嚴也而閨門之政亂自斯人之躋財無厭惟富者之為賢也而廉耻之路塞此六行者吾時所謂大慙而不容者也今無知之人皆曰某人何人也猶且為之其與馬赫奕婢妾靚麗以欺罔君子是州里之大盜也吾不敢以告鄉人而私以戒族人也彷彿

於斯人之一節者願無過吾門也子聞之懼而請書焉  
老者曰書其事而缺其姓名使他人觀之則不知其為  
誰而夫人之觀之則面熱肉慙汗出而食不下也且無  
彰之庶其有悔乎予曰然乃記之

義田記

錢公輔

范文正蘇人也平生好施予擇其親而貧疎而賢者咸  
施之方貴顯時置買郭常棣之田千畝號曰義田以養  
濟群族之人日有食歲有衣嫁娶凶葬皆有贍擇族之

欽定四庫全書

古公事大綱要卷四

十

長而賢者主其計而時其出納焉日食人一升歲衣人  
一縑嫁女者五十千再嫁者三十千娶婦者三十千再  
娶者十五千葬者如再嫁之數葬幼者十千族之聚者  
九十口歲入給稻八百斛以其所入給其所聚沛然有  
餘而無窮仕而家居俟代者與焉仕而居官者罷其給  
此其大較也初公之未貴顯也嘗有志於是矣而力未  
逮者二十年既而為西師及參大政於是始有祿賜之  
入而終其志公既沒後世子孫修其業承其志如公之

存也公雖位充祿厚而貧終其身歿之日身無以為殮

子無以為喪惟以施貧活族之義遺其子而已昔晏平  
仲敝車羸馬桓子曰是隱君之賜也晏子曰自臣之貴  
父之族無不乘車者母之族無不足於衣食者妻之族  
無凍餒者齊國之士待臣而舉火者三百餘人如此其  
為隱君之賜乎彰君之賜乎予是齊侯以晏子之觴而  
觴桓子予嘗愛晏子好仁齊侯知賢而桓子服義也又  
愛晏子之仁有等級而言有次第也先父族次母族次

欽定四庫全書

古公事大綱要卷四

十一

妻族而後及其疎遠之賢孟子曰親親而仁民仁民而  
愛物晏子為近之今觀文正之義田賢於平仲其規模遠  
舉又疑過之嗚呼世之都三公位享萬鍾祿其邸第之  
雄車與之飾聲色之多妻孽之富止乎一已而已而族  
之人不得其門而入者豈少哉況於施賢乎其下為卿  
為大夫為士庶稍之充奉養之厚止乎一已而已而族  
之人操壺瓶為溝中瘠者又豈少哉況於他人乎是皆公  
之罪人也公之忠義滿朝廷事業滿邊隅功名滿天下



後必有史官書之者予可略也獨高其義因書以遺於世云

劉氏義學記

朱元晦

始予守南康臨境德安有軍焉為政一本儒術甚以惠愛得其民歲饑為請蠲租而州家不可顧民狼狽相驚有逃去者則亟使人追止之曰所不為若等力請于州必蠲十七者令寧委印綬去終不忍使若等為異鄉鬼也民聞是令下為之感泣復相與攜而歸衆乃具以情

欽定四庫全書

古今事文類聚

十三

白州若部刺史竟得如約乃已予聞而竊心善之而問其邑里姓名則曰玉山劉侯也南康屬邑有趙德安而懸練者每遭掠吏循行則必戒使謁劉侯觀其荒政所施以為法於是劉侯之惠不止行其封內而又波及南康之境竟食斯民得無流亡殍死者及子將終吏乃得納謁劉氏之館而拜賜焉則望其貌聽其言而有以信其為君子人也後數歲予以事過玉山則劉侯以待次家居復得相見如平生歡一日慨然語予曰吾家本單

貧而入仕又甚晚顧無以仁其三族者聞嘗割田立屋聘知名之士以教族子弟而鄉人之願學者亦許造焉兄弟之間有樂以其貲來助者而吾猶懼其或不繼也則又出新安餘俸為之發舉居積以佐其費而凡所以完葺丘隴周卹族姻者亦取其焉既已言於吾州而邦君吳侯樂聞之為之出教刻符以詔吾之子孫使毋違吾志吾子雅知我其為我記之以告其教學於此者使知有以勉焉予聞而歎曰今士大夫或徒步至三公然

欽定四庫全書

古今事文類聚

十三

一日得志則高臺深池撞鐘舞女所以自樂其身者惟恐日之不足雖康有餘粟府有餘錢能無為州里災害則足矣固未暇以及人也如劉侯者身雖寵而官未登於六品家雖溫而產未能千金顧其所以用心乃如此是則可謂賢達於人而亦可以見其前日德安之政不為無本而匪以聲音笑貌為之矣乃追本其事而記之如此雖然古人之所謂學者豈讀書為文以干利祿而求溫飽之云哉亦曰明理以修身使其推之可以及夫

天下國家而已矣。群居於此者，試以此意求諸六經孔孟之言，而深思力行之，庶具有以不負劉侯之教也。劉侯名允迪，字德華云。

義莊記

陸務觀

東陽進士陳君德高，因吾友人呂君友德來告曰：德高不幸早失先人，舉進士又輒斥念普先人進德高輩於學，蓋將使之事君，使之字民，以廣我先人之志。顧雖自力而不合於有司之繩尺，其如遂負所期望付託生何？

欽定四庫全書

古今事文類聚

志

而以奉祭享，死何辭以見吾親於地下？不獲於仕進，為時而為豐年矣，獨不可退而施於宗族乎？於是欲為義莊，畧用范文正公之制度，而稍增損之，以適時變。敢求文於執事者，且載其事於碑。予復之曰：美哉吾子之志也！人之情於其宗族，遠則疎之，彌遠則益疎，而至於忘之。蓋以身為親疎，而不以先人為親疎也。視兄之子已或不若己之子，己之子與兄之子自吾父視之，有異乎？能以父之心為心，則己之子與兄之子且不知其同異。

欽定四庫全書

古今事文類聚

志

矣。推而上之大父之孫，為從父兄弟，曾大父之曾孫，為從祖兄弟。又推而上之，至於無服，雖天下長者不能無親疎之殺矣。於乎！制服不得不若是也。若推上世之心，愛其子孫，欲使之衣食給足，婚嫁以時，欲使之為士而不欲使之流為工商，降為皂隸，去為浮圖老子之徒，則一也。死而有知，豈以遠而忘之哉？義莊之設，蓋基於是。然舉天下之能為是者，有幾？非以為不美而不為也，力不足也。若陳君者，自其先人勤勞節約，以致饒餘，而陳君不敢私有之。其地在塋頭，昭福寺之旁，初期以千畝，今及十之七。而吾地在塋頭者止此。比隣感其義，皆欲期年間貿易以成之。又植桑畜牛，築堤以豐衣食之源。其詳見碑陰。又有最當慮者，吾子之心則盡矣。後人或貪而專利，或嗇而吝出，或夸而廣費，或挾長挾任，挾有力之助而敗約，非有司者別白之，則莊且壞，不支府牧邑長丞掾曹吏及鄉之鄉大夫先生處士，其必網維主張之使久而如一日。陳氏布衣也，其資產非能絕出一

鄉之上而義倡於鄉如此吾徒仕於朝宦于四方雖未必皆厚祿然聞陳氏之風不知愧且慕者豈人情也哉于是併書以遺焉君之先君子蓋諱士澄字彥清云

時常會族

謝昌國

凡人家法須令每有族人遠來則為一會以會族雖無事亦當一月為之古人有花樹韋家宗會法可取也然族人每有吉凶嫁娶之類亦須更相為禮使骨肉之意常相近骨肉日踈者只為不相見情不相接也

欽定四庫全書

古今事文類聚卷之六

六

古詩

命子

陶潛

悠悠我祖爰自陶唐邈為虞賓世歷重光御龍勤及承韋翼商穆穆司徒厥族以昌紛紜戰國漢漢衰周鳳隱於林幽人在丘逸虬達雲奔鯨駭流天下有漢春余隱侯明陶令見於臣表於赫熙侯運當攀龍撫劍風邁顧茲武功書誓山河洛土開封疊疊丞相謂陶青見功臣表允迪前蹤渾渾長源嶂嶂洪柯群川載導衆條載羅時有語默運因

隆家在我中葉桓桓長沙謂陶侃惟茲長沙伊歟伊德天子瞻我專征南國功遠辭歸臨寵不忒孰謂斯心而近可得肅矣我祖慎終如始直方二臺惠和千里於穆仁考漢馬虛止寄跡風雲真茲愜喜嗟余寡陋瞻望非及顧慚華藝負影雙立後段見姓名門

贈長沙公族祖一首

升序 陶潛

長沙公於余為族祖同出大司馬昭穆既遠已為路人經過潯陽臨別贈此

欽定四庫全書

古今事文類聚卷之六

七

同源分流人易世踈慨然悟歎念茲厥初禮服遂愆歲月渺祖感彼行路春馬躊躇於穆令族允構斯堂詣氣冬輝映懷圭璋爰采春花再擊秋霜我曰飲哉實宗之光伊途云邁在長志同笑言未久逝焉西東遙想湘渚滔滔九江山川阻遠行季時通何以寫心貽茲話言進晉雖微終在為山敬哉離人臨歧悽然歎襟或遼音問其先

示從孫濟

杜甫

平明踰驢出未知適誰門權門多噂囁且復尋諸孫諸  
孫貧無事宅舍如荒村堂前自生竹堂後自生萱萱草  
秋已死竹枝霜不繁淘米少汲水汲多井水渾刈葵  
放手放手傷其根阿翁懶惰久覺兒行步奔所來為宗  
族亦不為盤殮小人利口實薄俗難具論勿受外嫌猜  
同姓古所敦

律詩

吾宗

杜甫

欽定四庫全書

古今事文類聚卷

卷一

吾宗老孫子質朴古人風耕鑿安時論衣冠與世同在  
家常早起憂國顯年豐語及君臣際經書滿腹中

贈益陽成之主簿并引

黃魯直

予之竄嶺南道出衡陽見主簿君益陽黃成之問宗派  
乃同四世祖兄于是出嫂氏子婦相見喟然念高祖父  
之兄弟未遠也而殊鄉異井六十歲而後相識亦可悲  
也益陽兄之叔父晦甫侍御在家者孝友之譽立朝有  
忠鯁之名不幸年五十有四被召而沒於道上將啓手

足自力作疏極論濮園事所謂歿而不忘諫君以德其  
枝葉必將豐茂有赫赫於世者故作詩道之

關祖門中種陰德名塞四海世有人諸兒莫斷詩書種

解有無問 縉紳

又

人間卿相何足道習次詩書要不忘男兒邂逅起屠釣  
何如林中日月長

詩話

欽定四庫全書

古今事文類聚卷

卷一

不重宗盟

陶淵明有贈長沙公詩序云予於長沙公為族祖同出  
大司馬昭穆既遠已為路人故其詩云同源分流人易  
世疎感彼行路春馬躊躇蓋深傷之也杜子美訪從孫  
濟而不免於防猜故其詩云所來為宗族亦不為盤殮  
小人利口實薄俗難具論勿受外嫌猜同姓古所敦觀  
長沙公及濟則尊祖之義掃地矣

詩話  
陽秋

姓氏

摩書要語別生分類注生姓也別其姓族分其類使相

從與錫土姓注以所生之土賜之為姓故天子建德因

生以賜姓謂有德之人生此地以此地名賜之姓以顯

之為姓者生也以此為祖令之相生雖下及百世而此

姓不改族者屬也與其子孫共相連屬其旁支別屬則

各自為氏左隱公疏天子賜姓命氏諸侯命族族者氏之別

名也姓者所以統係百世使不相別也氏者所以別子

孫之所出故世本之篇言姓則在上言氏則在下也史記

欽定四庫全書古今事大類聚後集卷一 三

注

古今事實

帝王同姓

五帝三王自黃帝至舜禹皆同姓而異其國號以章明

德故黃帝為有熊顓帝為高陽帝嚳為高辛帝堯為陶

唐帝舜為有虞禹為夏后而別姓姁氏契為商姓子氏

稷為周姓姬氏史記

以土為氏

炎帝之姜黃帝之姬因始所生地而為之姓唐張說傳舜由

嬀汭故陳為嬀姓史記穆王使造父攻徐偃王破之乃賜

以趙城由此為趙氏史記

以封為氏

文王封子時叔於沈其後為沈氏 太公望本姓姜氏

封於呂故曰呂尚其後為呂氏 武王封太伯曾孫於

閭其後為閭氏 晉穆侯封少子成師於韓其後為韓

氏 晉獻公封畢萬於魏其後為魏氏 宋公子段食

於諸其後為諸氏 宋太公食於蕭其後為蕭氏 楚

賁皇食於苗其後為苗氏 晉叔向食於楊其後為楊

氏 杞之後食於婁故後為婁氏 越之後食於歐山

之陽故後為歐陽氏

以名為氏

陳伯哀之後為袁氏齊公子高之後為高氏衛公子惠

孫之後為孫氏宋公子樂父之後為樂氏宋司寇牛父

之後為牛氏魯閔子騫之後為騫氏

以官為氏

祭仲初為祭封人守封疆者後以為氏 漢孝文時居官者長子孫以官為氏倉氏庫氏則倉庫吏之後也

以字為氏

隱八年無駭卒羽父請謚與族公問族於衆仲衆仲答曰天子建德因生以賜姓昨之土而命之氏諸侯以字為氏因以為族官有世功則有官族邑亦如之公命以字為展氏

欽定四庫全書

古今事文類聚卷之三

三

以物為姓

伯陽生於李樹下遂指李樹為姓 馬援其先趙奢為趙將能馭馬號馬服君後之子孫因以為氏 第五倫其先諸田徙園陵多以次第為氏 陸羽不知所生或言有僧得之水濱畜之既長以易自筮得蹇之漸曰鴻漸於陸其羽可用為儀遂以陸為氏羽為名而字以鴻漸

以字而訛

周封高陽之後於邾後為楚所滅子孫乃去邑而氏朱

周武王子邛叔子孫以國為氏其後去邑而氏于

東晉本疏廣之後曾祖避難去足為東 民儀本姓氏

孔融嘲之曰氏字民無上可改為民徐衆評曰古之建

姓或以所生或以官號或以祖今離析文字橫生忌諱

是誣祖也吳 裴據避仇改為棘 文潞公本姓敬其曾

大父避石晉高祖諱更姓文至唐復姓敬入宋其大父

避翼祖諱又更姓文初敬氏避諱各用其一偏或為文

氏或為苟氏然敬字從著 林非苟也從文非文也俱非

欽定四庫全書

古今事文類聚卷之三

三

其一偏也 聞見後錄

以聲而訛

蔡伯喈作郭林宗碑曰其先出自周王季遼國命氏或謂之郭即其後也 魏初莫護跋率部落入居西遼時燕代多冠步搖冠諸部因謂之步搖後音訛為慕容且以為氏 然 嵇康本吳氏後吳易而為嵇 唐卓替石本夏唐封支子於草草卒聲相近遂為辛氏 本傳

因事而改

車千秋本齊田氏千秋以年老得乘小車出入省中時人謂之車丞相子孫因以為氏 賀姓本齊之公族慶封之後漢侍中慶純避安帝諱改為賀氏 唐源乾曜本禿髮僊擅之子賀入後魏魏太祖謂之曰與卿同源氏遂以為氏乾曜蓋其後也傳注唐席豫席出安定其先姓籍避項羽諱改姓席氏

更易姓名 見後姓名門

冒姓不一

欽定四庫全書

古今事文類聚後集

卷一

漢灌孟本張氏後為灌嬰舍人冒姓灌氏 衛青父鄭季給事陽信公主家奴與衛媼通生青故冒姓衛 妻敬勸高祖都關中賜姓劉 夏侯嬰為滕公隨母養外家因姓孫氏 鄭注本姓魚冒為鄭故當時號魚鄭及用事人號為水族 員半千其先本彭城劉氏十世祖凝之仕宋及齊受禪奔元魏自比伍員因姓員氏 李元亮本姓安氏少為駱奉先養為冒姓駱氏 李勣本姓徐氏後賜姓李封英國公 李抱玉本姓安名重璋

元宗以其戰河西有功賜姓李改名抱玉 五代劉知遠其先沙陀部人冒姓劉氏 石敬瑭其父臬捩難本出於西夷其姓石氏不知其始

作氏族志

唐太宗詔高士廉與谷文本等費天下譜牒詳考史傳作氏族志

號肉譜

李守素為倉曹參軍通姓氏學號肉譜虞世南與論人物歎曰肉譜定可畏許敬宗曰此名豈雅目耶世南曰昔任彥昇通經時稱五經笥今以倉曹為人物志可乎

欽定四庫全書

古今事文類聚後集

卷一

為世譜

歐陽文忠公蘇明允各為世譜文忠依漢年表明允以禮太宗小宗為次雖例不同然皆足以考其世次余切惟文忠所謂不知姓之所自而昧昭穆之叙則禽獸不若也其譏誚世之人可謂至矣然歐陽氏得姓凡幾年其間文學之士益亦多矣文忠始為之譜斯言恐未為

得也史

古今文集

雜著

論氏有九

凡氏之興九事賜氏於國齊魯宋衛也賜氏於謚戴武  
宣穆也賜氏於號唐虞夏商也賜氏以官則若司寇司  
馬賜氏以爵則若王孫公孫賜氏以字則若孟孫叔孫  
賜氏以居則若東門西門三鳥五鹿以志賜也巫氏匠  
欽定四庫全書

古今事大類聚卷一

三

論夫

姓氏更易

譜牒之不明也久矣自晉東渡五胡亂中原衣冠離散  
而致然也夫京房之先李姓也牛弘之先遼姓也陳之  
後乃為東民之後乃為氏閩人避王審之諱則沈氏去  
水而姓尤南中多危氏有惡其稱者或改為元如此之  
類甚多元魏據洛諸虜喜中原之姓而冒之者益衆則  
譜不可以不知也史

姓氏不同

呂伯恭

三代之時曰姓者統其祖考之所自出者也百世而不  
變者也曰氏者別其子孫之所自分者也數世而一變  
者也天子建德因生以賜姓其得姓雖一而子孫別而  
為氏者不勝其多焉有以王父之字為氏者矣有以先  
世之謚為氏者矣有以所居之官為氏者矣有以始封  
之邑為氏者矣又分派別千塗萬轍初若參錯紛亂而  
難考及徐而視之有綱有條猶指諸掌焉孟仲季臧東  
欽定四庫全書

古今事大類聚卷一

三

門子叔同出於魯也游國豐印公父伯張同出於鄭也  
向華湯樂鱗魚仲老同出於宋也樂萬崔國叔仲東郭  
同出於齊也尋其流可以知其源尋其葉可以知其根  
抑何易耶自秦漢以來氏族之制出於上之所賜下之  
所更者絕無而僅有至於世守一氏傳千餘年而不變  
者天下皆是也其變非若古之屢其列非若古之多可  
謂簡而易知者矣然人罕有能辨氏族之源者王之氏  
一也吾不知出於元城之王耶宜春之王耶邛城之王



耶劉之氏一也吾不知出於陶唐之劉耶秦春之劉耶  
元海之劉耶其能明辨而不惑者鮮矣氏之馬者未必  
能辨其為馬服之馬及馬矢之馬也氏之石者未必能  
辨其為周術之石及後趙之石也古之氏族繁而知之  
者反多今之氏族簡而知之者反少蓋由譜牒之明與  
廢而已是以是知譜牒之學不可不講也

### 分別姓氏

問姓氏如何分別曰姓是大總體處氏是後來次第分  
欽定四庫全書

古今事文類聚後集

卷一

別處如魯本姬姓其後有孟氏季氏同為姬姓而氏有  
不同某嘗言天子因生以賜姓諸侯以字為諡因以為  
族切恐謚本氏字先儒隨他錯處解將去義理不通且  
如舜生子焉汭武王遂賜陳胡公滿為媯姓此即因生  
以賜姓也如鄭之國氏本子國之後駟氏本子駟之後  
如此之類所謂以字為氏因以為族也

宋語錄

### 古今事文類聚後集卷一

欽定四庫全書

古今事文類聚後集卷二

宋祝穆撰

### 人倫部

姓名

姓名偏同

更易姓名

律書要語姓所同也名所獨也

盡心下

問其姓名俛而不

答

命名子生三月妻以子見于父父執子之右手咳而名

欽定四庫全書

古今事文類聚後集

卷二

之內君子已孫不更名

禮曲

命名男子二十冠而字

禮曲

冠而字之敬其名也

郊特牲

禮祝辭曰禮儀既備令月吉日昭告爾字字曰某父爰

字孔嘉髦士故宜宜之于緌永言保之

禮儀

詩句功曹上其言是日當登名

韓

兒童誦君實走卒知

司馬坡問之不肯道姓名杜不通姓氏麓豪甚

杜南宮

起草舊連名韓故人漸達無消息古寺空來看姓名

坡

我名公字偶相同

公別